



## Павелнің фессалониктегілерге ікінші пічии

Пу пічікті Павел фессалониктегілерге пастағы пічиинің соонаң пасхан поларға айабас.

Фессалониктегі христиан тигірибинің хай пірее араласчылары Христостың ікінчизін килеріненер Павелнің үгредин саба піліп алғаннар. Оларны Павел пасхан тіп ичкеткен пічік пухабысхан поларға айабас. Олар, Иисусты сағамох пу чирге килібізер тіп санап, ах-чарыхтың түгенчизіненер улам сағыссырап сыхханнар. Павел оларға нандырып, Христостың пу чирге килерінің алнында полар харахха көріндіре хай пірее киречілестер парынанар чарыда чоохтапча. Аннанар христианнарға тыстанарға паза, ноо даа тоғысты идері тузазы чох нима теен чіли, пос пастыр чөрбеске кирек.

### *Алғас*

**1** Павел, Силуан паза Тимофей Худай Пабабысха, Хан-пигібіс<sup>с</sup> Иисус Христосха киртінчеткен Фессалоник саардағы тигірибіне<sup>с</sup> чолабит ысчабыс. <sup>2</sup>Худай Пабабыстаң паза Хан-пигібіс Иисус Христостаң паарсас паза амыр хоных сірерге ползын.

### *Христос айлан килзе, Худай чарғылыры*

<sup>3</sup>Сірернің киртіністерің өсчеткенненер паза прайзыңарның пос аразында даа, удур-төдір дее улам хынызып чуртапчатханынаңар, харындастар, піс Худайны сірернің үчүн сыбыра алғирға кирекпіс – анзы орта. <sup>4</sup>Аннаңар піс поэзыбыс сірернің тыстанызыңарға, хайди даа сүрдіріп, хыйыхтадып, киртісті тастабинчатханыңарға Худай тигіриблерінде махтанадырбыс. <sup>5</sup>Анзы Худайның сын чарғызы килеріненер киречілепче. Ол чарғыда сірер

Худай хан-чиріне<sup>с</sup> турыстыҥ саналарзар. Ол Худай хан-чирі үчүн сірер сағам ирее көрче ноонзар. <sup>6-8</sup> Сірерні хыйыхтааннарға Худай чобағнаң айландыр пирзе, хыйыхтатханнарны, тізең, Хан-пигібіс Иисус, тигірдең киліп, піснең хада часхар салар. Анзы орта полар. Ол, Позының күстіг ангеллерінең<sup>с</sup> хада чалынның отта киліп, Худай пілбееннердең паза Хан-пигібіс Иисус Христостың Чахсы Хабарын алынмааннардаң өс алар. <sup>9</sup> Оларны тоозылбас өлімге чарғылирлар паза Хан-пигінең Позынан, Аның илбек сабланызынан хыйа идерлер. <sup>10</sup> Анзы ах-арығлары Аны сабландырар үчүн, паза прай киртіністіглері Ағаа хайхир үчүн, Ол килер туста полар. Ол кўн сірер дее, пістің киречілеенібіске киртін парғаннар, оларның аразында поларзар.

### *Павелнің пазырызы*

<sup>11</sup> Аннаңар піс сірерденер сыбыра пазырчабыс. Піс сірерні көстеен чуртасха турыстыҥ поларға, сірерге ноо даа чахсы нимені паза киртістің киректерін идеріне Худайдаң кўс пирерге сурынчабыс. <sup>12</sup> Хан-пигібіс Иисус Христостың ады сірерде сабланын. Сірер дее, Худайыбыс паза Хан-пигібіс Иисус Христостың паарсазы\* хоостыра, Анда сабланыңар!

### *Чазых оолғынаңар*

**2** Амды, харындастар, Хан-пигібіс Иисус Христостың килерінеңер паза піс аныңзар чыылызарынаңар чоохтап пирерім килче. <sup>2</sup> Пик сағыстыҥ полыңар. Христостың кўні чит килді тіп чарлапчатхан хут таа, сөс тее, піс ысхан тіп итчеткен пічік тее сірерні чалтандырбазын. <sup>3</sup> Пирдеезі сірерні пір дее ондайнаң аптап полбазын: Худайдаң көп кізі хыйа полбаанда паза чазых<sup>с</sup> оолғы – өлімге салылар кізі – килгелекте, ол кўн чағдабас. <sup>4</sup> Ол, Худайға тоғырланып, кізілер пазырчатхан прай нимедең пөзік өөрлир. Худай храмында<sup>с</sup> ол, позын худай аданып, одыр салар. <sup>5</sup> Мин сірернің араңарда полғанымдох, аны сірерге чоохтаанымны сағысха кирбинчезер бе? <sup>6</sup> Сағам даа сірер пілчезер, ниме ағаа, өлім оолғына, тузы читкелекте, килерге харыҥ полча. <sup>7</sup> Худай үлгүзіне тоғырланчатхан кўс тоғын пастабысты. Че ағаа

---

\* 1:12 Грек тілінде пу орынны «Худайыбыстың паза Хан-пигібіс Иисус Христостың паарсазы» алай «Худай Хан-пигібіс Иисус Христостың паарсазы» тіп оңнирға чарир.

харығ полғаны чолынаң хыйа парыбыспаанда, ол кўс толдыра хайын полбас. <sup>8</sup>Ол арада Худай ўлгўзіне тоғырланған кізі сығыс килер, аны Хан-пигібіс Иисус тынызынаң на өдір салар, Позы килгенінең не чох ит салар. <sup>9</sup>Ўлгў сайбағчызы, сайтанның<sup>с</sup> кўзінең тузаланып, аймах кўстер, танығлар, чой хайхастар<sup>с</sup> идіп килер. <sup>10</sup>Арачыланыс пирчеткен сын сөстерге хынмааннаңар паза алынмааннаңар, өлімге парчатхан кізілерні алаахтырып алар үчўн, ол аймах чабал ондайларнаң тузаланаңар. <sup>11</sup>Аның үчўн Худай, олар чойға киртін парзыннар тіп, алаахтырысха чол ас пирер. <sup>12</sup>Андада сынға киртінмееннері, че чазыхха хынғаннары прайзы чарғыладар.

### *Арачыланысха таллағаннары*

<sup>13</sup>Хан-пигібіс хынған харындастар! Піс, Худай сірерні арачыланысха пурнада таллап алған үчўн, Аны сыбыра алғыстирға кирекпіс. Сірер Худай Худынаң<sup>с</sup> арығланып паза сынға киртініп арачыланарзар. <sup>14</sup>Ол, Хан-пигібіс Иисус Христосты сабланызына кирер үчўн, пістің Чахсы Хабарға ўгреткенібіс пастыра сірерні арачыланысха хығыртхан. <sup>15</sup>Аннаңар, харындастар, сөстең алай пічіктерібіс пастыра піс пирген ўгредиибісте пик турынаңар паза ағаа тудыныңар. <sup>16</sup>Позы Хан-пигібіс Иисус Христос, тізең, паза піске хынчатхан, паарсасха толынчатхан, хақанға даа пісті ўтеерт салған, ізеніс пирчеткен Худай Пабабыс <sup>17</sup>чўреебісті часхар салзын, ноо даа сөсте паза чахсы киректе пик турғыс салзын.

### *Пістің үчўн пазырыңар*

**3** Ол ондайнаң пістің үчўн пазырынаңар, харындастар. Худай сөзі, сірердөк чили тарир паза сабланаңар үчўн, <sup>2</sup>піс, тізең, чабал, чой кізілердең озар үчўн, пазырынаңар. Прайзында ла киртініс чоғыл нооза. <sup>3</sup>Хан-пигібіс, тізең, киртістіг. Ол сірерні киртіністе пик турғызар паза сайтаннаң арачылир. <sup>4</sup>Піс чахаанны сірер толдырчатханынаңарға паза толдырарларына Худайыбыс пісті ікінчилес чох киртіндірче. <sup>5</sup>Хан-пигібіс, тізең, чўреенерні Худайның хынызынзар паза Христостың тыстанызынзар айландырзын.

***Ниме итпин, тик чӧрерінең китеніңер***

<sup>6</sup> Хан-пигібіс Иисус Христостың адынаң чахыпчабыс: арғаас, піс пирген кибір хоостыра чуртабинчатхан харындастаң хыйа парынар. <sup>7</sup> Сіерер пістің хоостыра поларға кирек тіп пілчезер. Піс, сіерернің аранарда полғанда, арғаастанмаабыс нооза. <sup>8</sup> Піс пірдеезінің халазын тик чібеебіс, пірдеенерге аар-чүк полбасха тіп, хараа-күнӧрте майыхханча тоғынғабыс. <sup>9</sup> Ӱлгүбіс чохтаңар нимес, че поэыбыс сіерерге көзідім поларға сағынып, іди тудынғабыс. <sup>10</sup> Піс сіерернең хада полғаныбыста іди чахаабыс, хайза: тоғынминчатхан кізі чібеске кирек. <sup>11</sup> Че піс ис халчабыс, сіерернің хай піреелері арғаастанчалар, пір дее ниме итпинчелер, прай нимее кірісчелер. <sup>12</sup> Андағларға піс Хан-пигібіс Иисус Христостың адынаң айланчабыс паза чахыпчабыс: артых суулабин, тоғынып, халастарын чізіннер. <sup>13</sup> Сіерернің, тізең, харындастар, чахсы киректерні итчетсеңер, көннінер түспезін. <sup>14</sup> Пу пічиибіс-тегі сӧзібіске тообаан кізіні, тізең, хайыға алып, аны уйаттырар үчүн, аннаң хыйа улыңар. <sup>15</sup> Че аны ыырчаа санабаңар, харындасты чіли, үгредіп одырыңар.

***Алғааны***

<sup>16</sup> Амыр пирчеткен Хан-пиг Позы, тізең, прай киректерде хақан даа амыр көңніліг поларға пирзін сіерерге. Хан-пигібіс прайзыңарнаң хада! <sup>17</sup> Минің, Павелнің, пічиимнің тании\* — поэым холымнаң пасхан алғыстас. Мин піди пасчам: <sup>18</sup> Хан-пигібіс Иисус Христостың паарсазы сіерернең прайзыңарнаң хада. Аминь<sup>с</sup>.

---

\* 3:17 Ол туста пічікті кізее пастырчаң полғаннар. Пу сӧстері Павелнің поэының холынаң пазыл парғаннар.